



ЎЗБЕКИСТОН RESPUBLIKASI SAMARQAND VILOYATI НОКИМИ

140157, Samarqand sh., Ko'ksaroy maydoni, 1-uy. Tel.: (66) 2304270, 2312093, e-mail: samarkand@exat.uz, info@samarkand.uz

Ўзбекистон Республикаси давлат фуқаролик хизматини 2030 йилгача ривожланиш стратегиясини тасдиқлаш тўғрисида ID-2619 (V-5766)

TAKLIF VA E'TIROZLAR

1. Loyiha matnini 3-band 4-xatboshi elementi quyidagi tartibda bayon qilinsin

Биринчидан, Давлат фуқаролик хизматида интеллектуал салоҳиятни аниқлаш услубиёти тизимлаштирилиши мақсадга мувофиқ;

Иккинчидан, интеллектуал салоҳиятли кадрларни давлат хизматида сафарбар эта олиш даражаси ошиб борса, бу ҳам асосий индикатор бўлиши мақсадга мувофиқдир (Сингапур тажрибаси: Истеъдодли инсонлар мамлакат тараққиётининг бебаҳо бойлигидир).

Учинчидан, давлат фуқаролик хизматчиларини истиқболли кадрлар захирасини аниқлашни карьера моделига трансформация қилиш мақсадга мувофиқ.

2. Loyiha matnini 7-band 4-xatboshi elementi quyidagi tartibda bayon qilinsin

Ҳар бир вазирлик ва идораларда давлат хизматчиларининг оиласи учун “оила кунлари” (family day) ташкил этиш, шунингдек инсон ресурсларини ривожлантиришнинг “Оилада ўз устида ишлаш – Ташкилотда ўз устида ишлаш – Махсус малака ошириш жараёнида ўз устида ишлаш” тизимларини жорий этиш.

3. Loyiha matnini 10-band 2-xatboshi elementi quyidagi tartibda bayon qilinsin

2025-2026 йилларда аҳолига қулайлик яратиш мақсадида биринчи босқичда синов тариқасида 14 та Лойиҳа бошқарув институтларини жорий этиш, **илмий ва амалий аҳамияти иқтисодий, социологик ва аналитик таҳлиллар ўтказиш, таҳлил натижаларига кўра ушбу маҳаллий давлат ҳокимияти органлари фаолиятини туман ва шаҳар фаолиятининг Худудий сайёр тизимларини жорий этиш таклифларини ишлаб чиқиш.**

4. Loyiha matnini 10-band 3-xatboshi elementi quyidagi tartibda bayon qilinsin

Рақамли технологиялар вазирлиги давлат органлари ва ташкилотлари билан биргаликда ходимларнинг масофавий ишлашини ахборот хавфсизлиги талабларига жавоб берувчи махсус платформа орқали амалга оширилишини таъминласин.

Йўл хариталари ижро механизмларида синергетик самара механизмларини жорий этиш яъни, топшириқ ижросига масъул бўлган ташкилотларнинг топшириқлар бажарилиши алгоритмига мувофиқ мувофиқлаштириш масаласи кун тартибига қўйиш мақсадга мувофиқ.

5. 1-ilovani 7-paragraf 5-xatboshi elementi quyidagi tartibda bayon qilinsin

Давлат хизматчилари фаолиятини самарали ташкил этишда тўғридан тўғри хизмат фаолиятидаги бўшлиқларни аниқлаш ва мазкур бўшлиқларни тўлдириш юзасидан тезкор махсус курсларни йўлга қўйиш ва унинг мониторингини амалга ошириш.

Шунингдек, давлат хизматчилари фаолиятидаги соҳа ва тармоқлар кесимида платформа ишлаб чиқиш. Мазкур платформада тўғридан-тўғри “муаммолар”, “таклифлар”, “илмий тадқиқотлар” бандлари тизимларини мувофиқлаштириб бориш.

6. 1-ilovani 4-bob elementi quyidagi tartibda bayon qilinsin

Ташкилотларда айнан ташкилот истиқболи билан боғлиқ стратегик элементларини шакллантирилмаётганлиги (ёки шакллантирилган бўлсада, раҳбар алмашинуви юз берган ташкилотлардаги муаммолар), мониторинг ва баҳолашнинг шаффофлигини таъминлаш мақсадида Аналитик маслаҳат марказларини ташкил этиш (давлат, давлат хусусий шерикчилик, хусусий).

Samarqand viloyati
hokimi v.b.



TURDIMOV
ERKINJON
OQBUTAYEVICH
24-Oktabr 2024-yil